

『唐大和上東征伝』(天寶十二載十月廿九日戌時)

從龍興寺出至江頭、乘■(舟+方)下、時有廿四沙弥、悲泣趁來、白和上言、大和上今向海東、重■無由、我今者最後請預結緣、乃於江邊、為廿四沙弥授戒、訖乘船下、至蘇州黃■浦、相隨弟子楊州白塔寺僧法進泉州超功寺僧曇靜・台州開元寺僧思託・楊州興雲寺僧義靜・■州靈耀寺法載・寶州開元寺僧法成等一十四人、藤州通善寺尼智首等三人、楊州優婆塞潘仙童・胡国人安如寶崑崙国人軍法力・瞻波国人善聰、都廿四人、所將如來肉舍利三千粒・功德繡普集變一鋪・阿弥陀如來像一鋪・■(王+周)白梅檀千手像一軀・救苦觀世音像一鋪・藥師弥陀弥・勒菩薩瑞像各一軀・同■子・大方広仏花嚴經八十卷大仏名經十六卷・〔金字大品經一部・金字大集經一部〕南本涅槃經一部卅八卷・四分律一部六(七或本)十卷・法勵師四部疏五本各十卷光統律師四部疏百廿紙・鏡中記二本・智周師菩薩戒疏二卷天台止觀法門〔玄義文句各十卷四教義十二卷次第禪門十一卷・行法花懺法一卷小止觀一卷〕六妙門一卷明了論一卷・定賓律師飭崇義記九卷・補亡飭崇記一卷・戒疏二本各一卷・觀音寺亮律師義記二本十卷・終南山宣律師含注戒本一卷及疏〔行事抄五本・羯磨疏等二本〕・懷道律師戒本疏四卷・〔大覺律師批記十四卷・音訓二本・比丘尼傳二本四卷〕玄奘法師西域記一本十二卷終南山宣律師關中創開戒壇因經一卷・〔法銑律師尼戒本一卷及疏二卷〕合卅八部、及玉環水精手幡四口・〔□□金珠□西国瑠璃瓶盛□〕菩提子三斗・青蓮華廿莖・■(王+代)■(王+冒)曇子八口・天竺草履二量王右軍真跡行書一帖・小王真跡三帖・天竺末和等雜書五十帖。〔□□□□〕手幡已下、皆進内裏、又阿育王塔樣金銅塔一区。